



Namminersorlutik Oqartussani immikkoortorta qarfinnut tamanut

Ilaquttap qanigisap perululluni napparsimanerani aamma/imaluunniit toqunerani ilisaanerani ilitsersuut

Aallarniutitut oqaaseqaatit:

Ilitsersuutip matuma pineqartumut siusinnerusukkut ilitsersuut taarserpaa. Allanguinermut peqqutaavoq sulisitsisoq isumaginninnikkut annertunerusumik akisussaaffeqarnissamik kissaateqarnera aamma sulisuminut tamanut toqqissisimanartumik pitsaasumillu suliffeqartitsinissaq qulakkeerniarlugu.

Ilitsersuutip ineriartortinneqarnerani siullertut pissutsini suni akissarsialik akiliunneqarluni angalasinnaatitaanersoq akissarsiaqarlunilu sulinngiffeqarsinnaatitaanersoq misissorneqarpoq. Matuma kingorna pissutsit assigiinngitsut sammineqassapput, akissarsiallip akiliunneqarluni angalasinnaatitaanera akissarsiaqarlunilu sulinngiffeqarsinnaatitaanera pillugu, naak perululluni napparsimanermut piumasaqaatit toqqaannartumik eqquutinneqanngikkaluartut. Tassunga tulliullugu ullut akiliunneqarluni angalaffigisinnaasat akuerineqartut amerlassusaat nalinginnaasumillu maleruagassami ilanngunneqarsimanngitsut sammineqassapput. Tamatuma kingorna pissutsit ernereernermut tunngasut, meeraq toqungalluni erniuppat imaluunniit meeraq erniunermi kinguinnguatiqut toquppat sammineqassapput. Naggasiutigalugu isumaqatigiissut naapertorlugu akiliunneqarluni angalasinnaatitaanermi akileraarutitigut kingunerisinnaasaannut tunngasut sammineqassapput.

Ataani piumasaqaataasut pillugit atorfinitsitsinermut oqartussaasup naammassineqarsimanersut nalilissavai. Akiliunneqarluni angalasinnaatitaaneq, aammalu sulinngiffeqarsinnaatitaaneq pillugu qinnuteqaatit suliffinnut ataasiakkaanut tunniunneqartassapput, takuuk § 9. (Ilanngussaq 3).

Nalorninermi soorunami Aningaasaqarnermut Sulisoqarnermullu Aqutsisoqarfik (ASA) ilitsersuinissamut tunngatillugu piareersimavoq – kisianni inaarutaasumik piginnaatitaaneq immikkoortorta qarfinni ataasiakkaani sulisitsisumiippoq.

08 juli 2014
Suliap nr. SJ-STD-MIWU
Allakkap normua 1507018

Postboks 1039
3900 Nuuk
Oqarasuaat (+299) 34 50 00
All. (+299) 32 44 48
E-mail: asa@nanoq.gl
www.nanoq.gl

Ilitersuussineq:

Ilaquttap qanigisap perululluni napparsimanageranut aamma/imaluunniit toquneranut ilisaanerannullu atatillugu akiliunneqarluni angalaneq akissarsiaqaatigalugulu sulinnigiffeqarnerlu pillugit malittarisassat atorneqarnerinut tunngaviusoq, NAL C-1-imi immikkoortoq 4-1-37-imiippoq. (Ilanngussaq 1). Malittarisassat naapertorlugit, atorfilik kisimi akiliunneqarluni angalasinnaavoq.

Tjenestemandinut tamanut aamma isumaqatigiissutinut amerlasuunut matumunnga innersuunneqartunut isumaqatigiissut atuuppoq. Akiliunneqarluni angalaneq aningaasarsiaqaatigalugulu sulinnigiffeqarnissamut akuersineq taassumunnga piginnaatsissuteqarneq atorfinitsinersimut oqartussaasumiippoq.

Akissarsialik akiliunneqarluni angalasinnaatitaavoq akissarsiaqarlunilu sulinnigiffeqarsinnaatitaavoq, ima pisoqarpat:

- 1) Atorfilik Namminersorlutik Oqartussani imaluunniit Kalaallit Nunaanni kommunemi tjenestemandiuppat, imaluunniit isumaqatigiissutip ataaniuppat isumaqatigiissummut innersuussisumi.
- 2) Qanigisatut ilaqutaaneq eqqartorneqarpoq, (§ 1, imm. 2).
- 3) Nakorsap allagarsiusaa pigineqarpat, tassani takuneqarsinnaassaaq, napparsimanermi ilaqutaasut pisarnertut aggersarneqartut. § 2
- 4) Uani perululluni nappaateqarneq (§ 2 aamma § 4), toqusoorneq aamma/imaluunniit ilisaaneq eqqartorneqarput (§ 5).

§ 6 naapertorlugu piimasaqaataavoq, napparsimaneq aamma/imaluunniit toqunerani ilisaanerani illoqarfimmi/nunaqarfimmi tjenestemandip atorfeqarfigisaata avataani ingerlanneqarpat. Tjenestemandip illoqarfik atorfeqarfia amerlanertigut inuit allattorsimaffiani najugaanut atassuteqartarpoq.

Maani annertunerusumik nassuiarneqarput:

1-MUT)

Ataatsimut isigalugu isumaqatigiissutit malillugit atorfillit tamangajammik malittarisassamit illersorneqarput, kisianni pisortat ataasiakkaat isumaqatigiissut attuumassutillip atuarnissaa pisussaaffigaa. Taanna uani takuneqarsinnaavoq:
<http://naalakkersuisut.gl/kl-GL/Naalakkersuisut/Suliaq/Isumaqatigiissutit-aammalu-isumaqatigiinnerit> (kalaallisut)
<http://naalakkersuisut.gl/da/Naalakkersuisut/Suliaq/Isumaqatigiissutit-aammalu-isumaqatigiinnerit>. (danskisut)

2-MUT)

Matumuuna paasineqassaaq: *angajoqqaat, katissimallugu aapparisaq taassumalu naligisai*, meeqqat qatanngutillu, kisianni katissimaNAGU aapparisaq tassungalu naligiisitaallutik ilaqutaasut. (§ 1, imm. 2). »Tassungalu naligisitaasut« oqaatigineqarneranni, pissutsit immikkut atuuttut aalajangersimasumik naliliineq isiginiarnerput. Assersuutigalugu inooqatigisaq pisuni assigiinngitsuni aappamut naligiissinneqarsinnaavoq, imaluunniit meeraq aanamini angajoqqaaminut taarsiullugu alliatorsimaguni tamanna pillugu malittarisassani ilaasinnaapput.

Ukiut kingullit marluk najugaqatigiissimagussi, toqusoqannginnerani imaluunniit perululluni nappaateqartoqalinnginnerani, imaluunniit utaqqinermi, imaluunniit ataatsimoorullugu meeraqarussi uunga atatillugu inooqatigiittut oqaatigineqarpusi.

3-MUT)

(§ 2, immikkoortut siulliat). Pitsaanerussaaq taanna aallannginnermi pigineqarpat, kisianni aamma utimut apuunnerup kingunitsianngua takutinneqarsinnaavoq. (§ 2, immikkoortup aappaa). Nakorsap allagarsiussaanik ilaneqarsimassaaq, tassani atuarneqarsinnaassaaq, nappaat ima perulunnartigisoq, ilaqutaasut aggersartariaqarlutik. Sulisup nakorsap allagarsiussaa takutissinnaanngippagu, sulisoq ilumoorluinnarluni nalunaarummik atsiussaaq (Ilanngussaq 4).

Nakorsap allagarsiussaa aallarnissaaq sioqqullugu pigineqanngippat, suliffimmut uternerup kingorna piaartumik takutinneqassaaq. Nakorsap allagarsiussaanik atuuttumik paasissutissanik pisariaqartitanik imalinnik uppersaatit atorsinnaasunik peqanngippat, pineqartup piffissami peqanngiffiani pisortat angalanermut aningaasartuutit aningaasarsiallu tunniussimasai utertinneqassapput.

4-MUT)

Aallaavittut perululluni nappaatit isigineqartut ilanngussaq 2-mi nappaatit allatorneqarsimapput. Sillimasiinernut Suliassanut Suliaqarfiit Kattuffiata Danmarkimi allattuiffianit tigusaavoq. Allattuiffik tamakkiilluinnartuunngilaq.

Nakorsap allagarsiussaa ilaqqat qanigisaasup perululluni napparsimasup sumik nappaateqarneranut paasissutissanik imaqaassaaq, taamaalilluni atorfinitsitsinermut oqartussaasoq aalajangersimasumik naliliinissamik suliaqarsinnaaniassammat.

Akissarsiallip akiliunneqarluni angalasinnaatitaanera aamma/imaluunniit akissarsiaqarlunilu sulinngiffeqarsinnaatitaaneranut inerniliineq:

Piumasaqaatit tamakku tamarmik naammassineqarpata, atorfilik akiliunneqarluni angalatinneqarsinnaavoq aamma/imaluunniit akissarsiaqartillugu sulinngiffeqartinneqarsinnaavoq. Ilaqqat qanigisap perululluni napparsimaneq pineqartillugu. napparsimaneq aamma/imaluunniit toqunerani ilisaarinera illoqarfimmi/nunaqarfimmi tjenestemandip atorfeqarfiani ingerlanneqarpat, taava § 6 naapertorlugu taamaallaat sulinngiffeqarsinnaavoq akissarsiaqaatiginagu.

Akissarsialik akiliunneqarluni angalatinneqarsinnaavoq aamma/imaluunniit akissarsiaqartillugu sulinngiffeqartinneqarsinnaavoq:

§ 1, imm. 1-ip isumaqatigiissutip atorneqarsinnaaffia annertusivaa. Aalajangersagaq tamakkiilluinnartoq eqqartorneqanngilaq. Pisuni makkunani najukkami sulisitsisup naliliinera aalajangiisuusassaaq.

Naak ilanngussaq 2-mi napparsimaruloorneq allasimannikkaluartoq, qulaani piumasaqaatit tamaasa eqquutinneqarpata sulisup akiliunneqarluni angalasinnaanissaminut akissarsiaqarlunilu sulinngiffeqarsinnaanissaminut qinnuteqaataa sulisitsisup ajunngisaarnermigut akuerisinnaavaa.

§ 6-imi pissutsit eqqaaneqartut tunngavigalugit akissarsialik akissarsiaqartillugu sulinngiffeqartinneqarsinnaanissaanut aalajangersagaq aamma peeriarfissiivoq.

Sulinngiffeqarnermut ullut amerlassusaat akuersissutigineqarsinnaasut:

Ataani allaqqasut piffissat malillugit akiliunneqarluni sulinngiffeqarnissaq akuersissutigineqarsinnaavoq (ullut). § 3 naapertorlugu taassuma qaavatigut angalanermut piffissaq nalinginnaasoq ilanngunneqarsinnaavoq, tassani paasineqassaaq piffissap siulianut kinguneranullu ullumik ataatsimik ilaneqarnissai. Tak. § 6-ip akerlianik tamatumani piumasaaqataavoq, illoqarfimmut/nunaqarfimmut imaluunniit nunamut allamut angalasariaqarneq.

§ 4-mi, immikkoortoq siulliup malitsigisaanik, perululluni napparsimanermi qaammatsiutit malillugit ullut arfineq pingasut akissarsiaqarluni sulinngiffeqarnermut akuersissutigineqarsinnaapput, taamaammat naatsorsuinermit arfininngornerit sapaatillu ilaapput.

Qanigisatut ilaqutaasoq ullut arfineq pingasut iluanni toqukkut qimaguppat, atorfilik qanigisatut ilaqtutmani najuunnerani, akissarsiaqarluni sulinngiffeqarneq ullunik 14-inik piffissaq sivitsorneqassaaq, takuuk § 4-mi, immikkoortup aappaa.

Ullunut arfineq pingasunut piffissap oqaatigineqartup avataani qanigisatut ilaqutaasoq toqukkut qimaguppat, tassunga qanigisaasoq akiliullugu angalatinneqassaaq aamma akissarsiaqarluni ulluni arfineq pingasuni sulinngiffeqassaaq, takuuk § 5.

Piareersaataasumik pigisanik nalilersuinermit atatillugu, akissarsiaqarani taamaallaat ulluni arfineq pingasuni sulinngiffeqarnissaq akuersissutigineqassaaq, takuuk § 7-imi, imm. siulleq.

Ilanngunneqanngitsut:

Qanigisatut ilaqutaasoq perululluni napparsimasooq illoqarfimmi/nunaqarfimmi tassaniippat, aamma/imaluunniit tassani ilisineq pissappat, taamaallaat ulluni arfineq pingasuni sulinngiffeqartitsisoqassaaq, takuuk § 6.

Ilisineq toqusup illoqarfianit/nunaqarfianit, inuit allattorsimaffianni najugaqarfianit, allamut nuunneqassappat, ulluni angalaffinni aningaasartuutit akissarsiallu Namminersorlutik Oqartussat akilissanngilaat.

Inuk perululluni napparsimalereersimasooq napparsimavimmullu unereersimasooq, illoqarfimmiit imaluunniit nunaqarfimmiit assersuutigalugu Nuummut imaluunniit Københavnimut nuunneqarsinnaavoq, taamaaliornissamut nakorsamit tunngavissaqartinneqarpat. Nuussineq nakorsamit tunngaviliussamik uppersaatitaqarpat, ilaqtup qanigisap perululluni napparsimanerani aamma/imaluunniit toqunerani ilisaanera pillugu isumaqatigiissut naapertorlugu atorfillip piginnaatitaaffini annaassanngilai.

Pigisanik nalilersuineq ajornakusoortutut pissuseqarpat, atorfillillu peqataanissaa pisariaqarluni tassungalu uppersaat pissarsiarineqarsinnaalluni, akissarsiaqarluni ulluni arfineq pingasuni sulinngiffeqartitsisoqarsinnaavoq, takuuk § 7-imi, imm. aappaat.

Piffissaq sulingiffeqarfiusoq, pissutsit immikkut ittut atuutsillugit, piffissaq sivitsorneqarsinnaavoq. Tamanna pillugu qinnuteqarnissaq pisariaqarpoq, takuuk § 8.

Meeqqat toqungallutik erniunerini sulingiffeqarsinnaatitaaneq ernereerlunilu sulingiffeqarsinnaatitaaneq.

»Naartunermi, erninermi meeravissiartaarnermilu sulingiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq « (naartunermut inatsimmi) pisuni ilaatigut sammineqarput, meeraq toqungalluni erniuppat imaluunniit meeraq erniunerimi kinguninguatigut toquppat. Inatsimmi matumani maleruagassat qulaani isumaqatigiissut eqqaaneqartoq sioqqullugu atuutilerpoq. Aalajangersakkat naapertorlugit, meeraq toqungalluni erniunerani sapaatit akunneri 15-it sulingiffeqarsinnaatitaaneq atorunnaassanngilaq.

Naartunermi ernereerullu kingorna sulingiffeqarsinnaanermi § 9 atuutissaaq, inatsimmi § 7, imm. 1 aamma 2 aamma § 8 naapertorlugu Meeraq toqungalluni erniuppat, meeravissiassanngortinneqarpat, angerlarsimaffiup avataanut inissinneqarpat, tak. meeqqanik inuusuttunullu ikiorsiisarneq pillugu Inatsisartut peqqussutaanni tamanna pillugu aalajangersakkat, imaluunniit meeraq erniunerimi kingornatigut sapaatit akunnerisa 15-it imaluunniit 19-it siulliit iluanni toquppat § 7, imm. 1 aamma 2 kiisalu § 8 tunngavigalugit sulingiffeqarsinnaatitaaneq atorunnaassanngilaq.

§ 7 Arnaq erninissamut sapaatit akunneri marlunngortut missiliuunneqarpat naartuneq pissutigalugu sulingiffeqarsinnaatitaalersarpoq erninerullu kingornatigut sapaatit akunnerini 15-ini sulingiffeqarsinnaatitaalluni. Imm. 2. Marlulinerimi imaluunniit amerlanerusunik ataatsikkut meerartaarnermi arnap sulingiffeqarfia sapaatit akunnerinit 15-init sapaatit akunnerinut 19-inut sivitsorneqassaaq.
(...)

§ 8 Ataataasoq meeqqap erniunerata kingornatigut sapaatit akunnerisa siulliit 15-it imaluunniit 19-it iluanni sapaatit akunnerini pingasuni sulingiffeqarsinnaatitaavoq. Imm. 2 Ataataasumik oqarnermi pineqartoq tassaavoq meeqqat inatsiseqartitsinikkut inissisimanerat pillugu inatsit tunngavigalugu inatsisilerinikkut ataataasutut isigineqartoq.

Meeravissiartaarnermi sulingiffeqarfissat § 13 naapertorlugu imatut allaqqasoq, meeraq toqungalluni erniuppat imaluunniit meeraq erniunerimi kingornatigut sapaatit akunnerisa 15-it imaluunniit 19-it siulliit iluanni toquppat imaluunniit angerlarsimaffiup avataanut meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu inissinneqarpat § 12 tunngavigalugu sulingiffeqarsinnaatitaaneq atorunnaassanngilaq.

§ 12 Inooqatigisatut nalunaarsukkap meeraanik meeravissiartaarnermi meeravissiartaartoq meeqqap erniunerata kingornatigut sapaatit akunnerisa 15-it siulliit iluanni sapaatit akunnerini pingasuni sulingiffeqarsinnaatitaavoq.

Imm. 2 Inooqatigisatut nalunaarsukkap meeraanik
meeravissiartaarumalluni qinnuteqaat meeqqallu anaanaata
meeravissiartaarnissamik akuerinninnera kingusinnerpaamik meeqqap
inunngornerata nalaani tiguneqareersimassapput.

Meeraq toqungalluni erniuppat angajoqqaatut sulinngiffeqarsinnaatitaaneq
atorunnaassaaq, tak § 15, imm 4, tak. imm. 1.

Peqqissutsimut Attaveqarnermullu Naalakkersuisoqarfiup toqungalluni erniuneq pillugu
nassuiaasiorsimanertik ilisimatitsissutigaat,
toqusut timaannik misissuisarnek pillugu malittarisassat 1988-imeersut
malinneqassasut, tamatuma kingorna naartu, naartunermi sapaatit akunnerisa 28-it
naalernerani toqungallutik erniusut, naartumik katatsinertut isigineqartarput, akerlianik
naartut, piffissap tamatuma kingorna toqungallutik erniusut, toqungallutik erniusimasutut
isigineqartarput.

Naartu erniunermi kingorna uumasimappat, naartunermi sapaatit akunneri 28-it
sioqqullugit kingoqqullugilluunniit erniusimappat inuulluni erniusimasutut
naatsorsuutigineqartuaannarpoq.

Meeraq toqungalluni erniusimappat, qulaaniittoq takuuk, toqusimanermut uppernarsaat
tunniunneqassaaq. Toqusimanermut uppernarsaat ilisisussatut pisortaqarfik
attaveqarfiginissaanut atorneqassaaq.

Naartup toqungallunilu erniusup akornanni immikkoortitsinissaq isumaqatigiissutip
atornissaanut atatillugu pingaaruteqarpoq, »Ilaquttap qanigisap perululluni
napparsimaneranut aamma/imaluunniit toquneranut ilisaaneranullu atatillugu
akiliunneqarluni angalaneq akissarsiaqaatigalugulu sulinngiffeqarnerlu pillugit
isumaqatigiissut«, isumaqatigiissummi inuit pineqartut kikkuuneri § 1, imm. 2-mi takuuk.

Akilaraarutitigut kingunerisinnaasai

Akilaraartarnermut Aqutsisoqarfimmit paasissutissat tunngavigalugit, »Ilaquttap
qanigisap perululluni napparsimaneranut aamma/imaluunniit toquneranut ilisaaneranullu
atatillugu akiliunneqarluni angalaneq akissarsiaqaatigalugulu sulinngiffeqarnerlu pillugit
isumaqatigiissut« naapertorlugu akuersissut tunniunneqartillugu angalanissap
akilaraarutitaqannginnissaa aalajangersimasumik suleriaatsitut isigineqarpoq.
Angalaneq Akilaraartarnermut Aqutsisoqarfimmut nalunaarutigineqassanngilaq.

Suliassaqarfimmi uani akilaraarutitaqanngitsumi isumaqatigiissummi pineqartumi
kingunertussusaa assigaa.

Ulloq 8/8/14-imi suliarineqarpoq,

Inussiarnersumik inuulluaqqusillunga
Med venlig hilsen

Michael Würtz

Toqqaannartoq 346433
miwu@nanoq.gl

27 MAJ 1993

Immikkoortortaq 4, Eqimmattat 1

lb.nr. 37

Isumaqatigiissut

pillugu

ilaquttat qanigisat napparsimaruloortillugit aamma/imaluunniit toquneranni ilisaaneranut atatillugu akiliunneqarluni angalasarnerit sulingiffeqartarnerillu.

Kalaallit Nunaanni Naalackersuisut aamma Tjenestemandit Kalaallit Nunaannilu Isumaqatigiissutitigut atorfeqartitat Qitiusumik kattuffiata (TOC/NAK) akornanni Kalaallit Nunaanni Namminersornerullutik Oqartusani kommuninilu tjenestemandit pillugit Inatsisartut inatsisaat nr. 5, 14. maj 1990-imeersumi § 49, imm. 1 naapertorlugu ilaquttat qanigisat napparsimaruloortillugit aamma/imaluunniit toquneranni ilisaaneranut atatillugu akiliunneqarluni angalasarnerit sulingiffeqartarnerillu pillugit isumaqatigiissutigineqarpoq imaattoq.

§ 1

Tjenestemandit ilaquttat qanigisat napparsimaruloortillugit aamma/imaluunniit toquneranni ilisaanerannut atatillugu qinnuteqarneq malillugu qanigisap najugaanut/napparsimmavimmiiffianut il.il. akiliunneqarlutik angalasinnaapput aamma/imaluunniit atorfimminnit sulingiffeqarlutik Kalaallit Nunaanni ataasiarlutik imaluunniit Danmarkimi ataasiarlutik uterlugulu.

Imm. 2. Isumaqatigiissummi uani ilaquttat qanigisat tassaapput: angajoqqaat, katisimasat taamatullu naligitat, meerarisat qatanngutillu, kisiannili katissimasaanngitsup taamatullu naligitaanngitsut.

PD j. nr. 27.A.8.2.

§ 2

Ilaquttat qanigisat napparsimanerannut atatillugu akiliunneqarluni angalanissaq aamma/imaluunniit sulinngiffeqarnissaq pillugu qinnuteqaat sapinngisamik nakorsap oqaaseqaataanik ilaneqarsimassaaq, tassani atuarneqarsinnaassaaq, nappaat ima perulunnartigisoq, ilaquutaasut aggersartariaqarlutik. Oqaaseqaat aallarnissaq sioqqullugu pigineqanngippat, suliffimmut uternerup kingorna piaartumik takutinneqassaaq.

§ 3

Aalajangersakkat ataani allaqqasut malillugit akiliunneqarluni sulinngiffeqarnissaq akuersissutigineqarpat, angalanermut piffissaq nalinginnaasoq ilanngunneqarsinnaavoq.

§ 4

Ilaquttat qanigisat perulullutik napparsimanerannut atatillugu akiliunneqarluni angalanissaq aamma sulinngiffeqarnissaq ulluni 8-ni akissarsiat ilanngullugit akuerineqassaaq. Atorfilik ilaqquttap qanigisap najugaa-niitsillugu/napparsimmavimmiitsillugu il.il. ilaquataq qanigisap toqukkut qimaguppat, akiliunneqarluni sulinngiffeqarneq ullunut 14-inut sivitsorneqassaaq.

§ 5

Ilaquttat qanigisat toquneranni ilisaanerannut atatillugu akiliunneqarluni angalanissaq aamma sulinngiffeqarnissaq ulluni 8-ni akissarsiat ilanngullugit akuerineqassaaq. Angalanermut attaveqaatit nalinginnaasut akornuserneqarnerat pissutaalluni ilisinermut najuuttoqanngitsoorpat, - qatannguteqartoqarpat imaluunniit angajoqqaartoqarpat - akiliunneqarluni angalanissaq aamma sulinngiffeqarnissaq ulluni 8-ni akissarsiat ilanngullugit akuerineqassaaq. Qatannguteqartoqanngippat imaluunniit angajoqqaartoqanngippat taamaallaat sulinngiffeqarnissaq ulluni 8-ni akissarsiat ilanngullugit akuerineqassaaq. Angallannerup nalinginnaasumik akuttunngitsumillu (soorlu piffissani aalajangersimasuni) unitsinneqarallarnera akornusersuivertut isigineqanngilaq.

§ 6

Ilaqquttap qanigisap napparsimaruloornera pineqartillugu. napparsimaneq aamma/imaluunniit toqunerani ilisaarinera illoqarfimmi/nunaqarfimmi tjenestemandip atorfeqarfiani ingerlanneqarpat taamaallaat ulluni 8-ni akiliunneqarluni sulinngiffeqarneq akuerineqassaaq.

§ 7

Pigisanik suliaqarnissamut piareersaataasumik peqataanermut taamaallaat ulluni 8-ni akiliunneqarnani sulinngiffeqarneq akuerineqassaaq. Uppernarsarneqarsinnaappat, pigisanik suliaqarneq ima ajornakusoortigisoq, peqataanissaq pisariaqarluni, taava ulluni 8-ni akiliunneqarluni sulinngiffeqarneq akuerineqassaaq.

§ 8

Pissutsinik immikkuullarissunik pissuteqartoqarpat, qinnuteqarneq malillugu akiliunneqarluni sulinngiffeqarnermut piffissap sivitsorneqarnissaa akuerineqarsinnaavoq.

§ 9

Akiliunneqarluni angalasarnerit sulinngiffeqartarnerillu pillugit qinnuteqaatit suliffigisanut ataasiakkaanut tunniunneqassapput.

§ 10

Isumaqatigiissut una 1. april 1993-imi atuutilerpoq.

Nuuk, 21. maj 1993

Tjenestemandit aamma Isumaqatigiissutitigut
atorfeqartitat Kalaallit Nunaanni Qitiusumik
Kattuffik (TOC/NAK)

Kalaallit Nunaanni Naalakkersuisut
e.b.

Taamaasilluni Nal. C-I 4-1-31 atorunnaarpoq.

Nappaatit perulunnartut allattorsimaffiat

(<http://www.forsikringogpension.dk/pension/Hvis-du-bliver-syg/visse-kritiske-sygdomme/hvad-er-kritisk-sygdom/Sider/liste-sygdomme.aspx>):>

Kræfteqariaatsit navianartut amerlanerit aamma qaratsami tinunerit ilai, matumani ilanngullugit:

- Kræfti, aakkut kræfteqarneq aamma sananeqaatit imerpalasortaani tinumasumik kræfteqarneq – sakkukinnerit ilanngunneqanngillat
- Qaratsami imaluunniit qiteqqami tinunernik naasoqarnerit uloriananngitsut ilai – peerneqavissinnaanngitsut imaluunniit imaannaanngitsumik atajuartumik malitseqartumik kinguneqartut

Uummatikkut aamma uummatip-qaratsap taqaasigut nappaatit peruluutaasut ilai, matumani ilanngullugit:

- Qaratsakkut aanaartorneq imaluunniit qaratsakkut taqqamik milittoorneq (apopleksi) –atajuartumik kinguneqartoq
- Qaratsami taqqap tillertup puutut ilusilimmik allinera (aneurisme) imaluunniit qaratsakkut nappaatit (intrakraniel arteriovenøs karmisdannelse) (AV-malformation- qaratsami taqqani nappaateqalери- artornerup aallartilnera) – ilaatigut atoruminaassinnaasumik
- Uummatikkut taqqamik milittoorneq (akut myokardieinfarkt) – ilatigut atoruminaassinnaasumik
- Uummammi taqqat nerukillimasut pilattarneqarneri, taqqat uummammut aammik pilersuisut nerukillismaneri pissutigalugit, aak allamik aqquserlugu pilatsinneq imaluunniit annikitsuaqqamik pilattaaneq aamma taqqamut savimineeranngumik ikkussineq (stent) (PCI)
- Anigoruminaatsumik atajuartumik uummallunneq ilungersunartumik ersiuteqartoq aamma piginnaanikinnerulerneq
- Uummatip ukkuaata pilattartinnera uummatip ukkuaata ajoquteqarnera pissutigalugu
- Uummatip tillerneranut akornusersuisut toqussutaasinnaasut suliaritinneri ICD-mik ataatsimoortumik pilattaalluni ikkussinikkut
- Timimi taqqami tillertumi atoruminaatsumik nappaateqarneq (taqaq tillertoq pingaarneq)
- Puatsigut taqqamik milittoornermut pilattaanikkut suliariterujussuarneq

Timimi ajortittoqarnera pilattaanikkut timip atortuinik ikkussinissamik pisariaqartitsisumik; matumani ilanngullugit:

- Sivisuumik anigorsinnaanngisamik tartulunneq – ataavartumik aammik akuluiaanermik pisariaqartitsisoq
- Annertunerusumik timip atortuinik pilattaalluni ikkussineq

Sianiutit nappaataannik nappaatit ingatsikkiartortut ilaat, matumani ilanngullugit:

- Siammaakkiartupiloortoq/qaratsakkut qiteqqallu nappaat (sclerose) (DS)
- Amyotrofisk lateralsklerose (ALS) imaluunniit timip aalaneranut sianiutit sananeqaataanni nappaat – atajuartumik malunnaateqartoq
- Parkinsonimik nappaat (paralysis agitans, sajunnermik nukillaarneq) – malunnaateqartuurtumik ersiuteqartoq
- Myasthenia gravis (ilungersunartumik nukiiit qasoqqanerat) - malunnaateqartuurtumik ersiuteqartoq
- Nukeeruttoornerit ilungersunartut ilaat
- Uummalluttunngornermik puiguttoornermillu (Alzheimer) nappaat

Allat:

- Aalersortinnikkut imaluunniit suliamik pissuteqartumik tunillatsinneq HIV-mik tunillatsinneq
- AIDS
- Tamakkiisumik tappiillineq
- Tamakkiisumik tusillanneq
- Annertuumik uuneq (ambustio)
- Puatsigut atoruminaatsumik taqqamik milittoorneq
- Qaratsakkut imaluunniit qaratsap ameraasaatigut aseruuttoornerup kingorna ataavartumik kinguneqartitsineq
- Bakterissamit tunillatsinerup (Borreliainfektion) (TBE) kingorna ataavartumik kingunerit, sianiteqarfimmi uumasuaqqamit (sullineeqqatut ittoq) kiitinnerup kingorna

Uunga nassiunneqassaaq: Aningaasaqarnermut Sulisoqarnermullu Aqutsi- soqarfik Box 1039 3900 Nuuk asa@nanoq.gl / Fax: 32 44 48	Suliffeqarfik (Naqissut imaluunniit allannerit angisuut)
--	--

Qanigisat perulutsillugit aamma/imaluunniit toquneranni ilisaanerannilu sulisup akiliunneqarluni angalasinnaatitaaneranut sulinngiffeqarsinnaatitaanerannullu akuersissuteqarnermik nalunaarut uunga:

Inuup nr.	Ateq
Sulinngiffeqarsinnaatitaaneq	Akissarsiaqarluni: _____ Akissarsiaqarani: _____ (Kryds-ileruk)
	Sulinngiffeqarsinnaatitaaneranut piffissaliussaq (qaammatisiutip ullui)
(ullut tamaasa taakku ilanngullugit)	Sulinngiffeqarsinnaatitaaneq akiliutsilluni angalasinnaatitaanertaqanngitsoq: ullut 8 Sulinngiffeqarsinnaatitaaneq akiliunneqarluni angalasinnaatitaanertalik: ullut 10
	Nakorsap uppernarsaasiaa:
	Nakorsap uppernarsaasiaa/ toqusoqarneranut uppernarsaat ilanngunneqarpoq: _____ (kryds-ileruk)
	Nakorsap uppernarsaasiaa/ toqusoqarneranut uppernarsaat tikinnermi tunniunneqassaaq: _____ (kryds-ileruk) Uppernarsaalluni neriorsuuteqarlunilu nalunaarut immikkoortortamit tiguneqarpoq: _____ (kryds-ileruk)
	(Ilaqutaasut aggersarneqartariaqalersillugit qanigisaasup perulunnerata nakorsap uppernarsaasiaani allassimanissaa pingaaruteqarpoq. Takuuk kikkut ilaqqatut qanigisaasutut ilitersuummi ilanngunneqarsimanersut)
	Pisariaqarpat ilanngussassat allat / oqaaseqaatit

Ulloq: _____ Siullertut akuersisartup/pisortap atsiornera: _____

Ulloq: _____ aappaatut akuersisartup/pisortap atsiornera: _____

Sulisoqarnermut Allaffiup isumagisassaa: Akissarsialerivimmumt nalunaarut	
Inuup qulaani eqqaaneqartup sulinngiffeqarnrata akissarsialerissuummi / "TID"-mi nalunaarsornissaa pillugu Akissarsialerivik qinnuigineqarpoq	Piffissaq:

Ulloq: _____ Sulisorisanik sullissisoq: _____

Akiliunneqarluni angalasarnernut sulinngiffeqarallartarnernullu uppersaalluni neriorsuuteqarlunilu nalunaarut

(Immikkoortortamifor namminermi atugassaq))

Ilanngussaq 4

Matumuuna ataani atsiortup (sulisup) uppersarpaa:

Tassa uanga: _____ cpr.nr.: _____

- Ilaquttama qanigisama napparsimanernut atatillugu angalaninni aningaasartuutit sulisitsisuma akilersimasai utertissallugit, nakorsap oqaaseqaataanik ilaneqarsimanngippat, tassani atuarneqarsinnaassaaq, nappaat ima perulunnartigisoq, ilaqutaasut nalinginnaasumik aggersartariaqarlutik. Taamatuttaaq isumaqataavunga, nakorsap oqaaseqaataanik atuuttumik peqanngikkuma, sulinnginninni aningaasarsiarisimasama uterteriataarnissaannut.
- pissutsit imaluunniit paasissutissat allanngorpata, pisortannut qaninnerpaamut tamanna ilisimatitsissutigissallugu pisussaaffeqarama.

Ulloq: _____ Sulisup atsiortup: _____

Uppersaalluni neriorsuuteqarlunilu nalunaarut tiguneqarpoq:

Ulloq: _____ Immikkoortortaqaqfiup
atsiortup: _____

Pisariaqarpat: Naqitsit

Uppersaalluni neriorsuuteqarlunilu nalunaarut atorineqarpoq, sulisup qanigisatut ilaqutaata perulunneranut uppersaataasumik nakorsap uppersaasiaanik saqqummiussisoqartinnagu – uppersaalluni neriorsuuteqarlunilu nalunaarut sulisoq pillugu suliamut toqqorneqassaaq.